

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA**

**Grad Zenica
n/r Predsjedavajućeg Gradskog vijeća**

PREDMET: Odluka o imenovanju mosta kod Lamele prema žrtvama genocida u Srebrenici

Poštovani,

Genocid u Srebrenici predstavlja najveći zločin u modernoj historiji Evrope nakon Holokausta. Juli 1995. godine predstavlja tamnu mrlju na obrazu Evrope i Svijeta, zbog činjenice da se nije preduzelo ništa kako bi se genocid spriječio.

Zbog budućih generacija i naraštaja koji dolaze, moramo raditi na njegovanju tradicije i kulture sjećanja, a kako bismo uticali na to da se slično zlo nikada i nikome ne ponovi.

Cijeneći navedeno, mišljenja sam da je prihvatljiv način odavanja počasti žrtvama genocida u Srebrenici, imenovanje jednog od značajnih objekata (ulica, trg ili most) prema istom.

Budući da je Lamela jedan od prepoznatljivih simbola Grada Zenice, smatram da bi imenovanje mosta kod Lamele prema žrtvama genocida bio adekvatan čin.

Zbog navedenog, predlažem da Gradsko vijeće Zenica usvoji odluku o promjeni naziva mosta.

S poštovanjem

Vijećnik u Gradskom vijeću Zenica

Malik Ejubović

PRIJEDLOG

Na osnovu člana 11. stav (2) alineja 3) i člana 21. tačka 26. Statuta Grada Zenica („Službene novine Grada Zenica“, broj: 5/15), Gradsko vijeće Zenica, na _____ sjednici, održanoj dana _____ godine, donijelo je

RJEŠENJE

o izmjeni Rješenja o utvrđivanju novih naziva ulica, bulevara, trgova i mostova

I

U Rješenju o utvrđivanju novih naziva ulica, bulevara, trgova i mostova - prečišćen tekst („Službene novine Općine Zenica“, broj: 4/06), u tački III, na str. 7. u dijelu tabele MOSTOVI, u koloni 5. riječi „Kamberovića most“ zamjenjuju se riječima „Most žrtava genocida u Srebrenici“.

II

Za realizaciju ove Odluke zadužuju se Služba kabineta Gradonačelnika i Služba za boračko-invalidsku i socijalnu zaštitu, stambene poslove i društvene djelatnosti.

III

Ovo rješenje stupa na snagu danom donošenja, a objaviće se u „Službenim novinama Grada Zenica“ i na web stranici Grada.

Broj: 01- _____ /21
Zenica, _____ godine

PREDSJEDAVAJUĆI
GRADSKOG VIJEĆA

Almir Babajić

O B R A Z L O Ž E N J E

I PRAVNI OSNOV

Pravni osnov za donošenje ovog rješenja sadržan je u odredbi člana 11. stav (2) alineja 3) Statuta Grada Zenica („Službene novine Grada Zenica“, broj: 5/15), kojom se utvrđuje sljedeće: „Grad se bavi i drugim poslovima od lokalnog značaja koji nisu isključeni iz njene nadležnosti, niti dodijeljeni u nadležnost nekog drugog nivoa vlasti, a tiču se očuvanja prirodne baštine, te historijskog, kulturnog i graditeljskog naslijeđa“ i odredbi člana 21. tačka 26. Statuta, kojom se utvrđuje da Gradsko vijeće donosi pojedinačne i druge akte iz samoupravnog djelokruga Grada u skladu sa zakonom i Statutom.

II RAZLOZI DONOŠENJA

Genocid u Srebrenici predstavlja najveći zločin u modernoj historiji Evrope nakon Holokausta. Juli 1995. godine predstavlja tamnu mrlju na obrazu Evrope i Svijeta, zbog činjenice da se nije preduzelo ništa kako bi se genocid spriječio.

Zbog budućih generacija i naraštaja koji dolaze, moramo raditi na njegovanju tradicije i kulture sjećanja, a kako bismo uticali na to da se slično zlo nikada i nikome ne ponovi.

Cijeneći navedeno, mišljenja sam da je prihvatljiv način odavanja počasti žrtvama genocida u Srebrenici, imenovanje jednog od značajnih objekata (ulica, trg ili most) prema istom.

Budući da je Lamela jedan od prepoznatljivih simbola Grada Zenice, smatram da bi imenovanje mosta kod Lamele prema žrtvama genocida bio adekvatan čin.

Zbog navedenog, predlažem da Gradsko vijeće Zenica usvoji prijedlog rješenja o promjeni naziva mosta.